

A6

15

ULI

zionale
Firenze



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.6.15





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.6.15



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.6.15



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. A.6.15


INCUNABULI

A

6

15

Biblioteca Nazionale
Centrale - Firenze



Reuerendissimo in Christo patri. D. Oliuero Carra
phę Cardinali Neapolitano episcopo Sabineñ. pro
tectori Ragusino Iacobus Bonus.

Diuas: quę paphiam deam colentem
Siluas idalii: & nemus Cytheri
Formosam faciunt: Apollinemq;
Musas|Pallada|Liberumq; patrem:
Istis preposui tribus libellis.
Quos: ꝛ gloria patrię|domusq;
Carraphę nitor|& decus perenne:
Fidem qui rubeo tegis galero:
Mundi & pondera|cardinemq; uertis
Diis equus superis:tibi dicamus:
Et dono Herculeum damus laborem:
Munus quod decet infimum Poetam:
Non quod maximus exigit patronus
Vrbis: quę illyrici caput tenetur.

Iacobi Boni Epidaurii Dalmatę de raptu Cerberi
Liber Primus.

Aglea.

† Aenarias fauces/ & debellata profundı
Regna Iouis/ solıuq; canā: quo clauiger heros
Tergeminum traxisse canem sub sidera fertur.
Multa prius seque qui prodigiosa Nouerę,
Monstra mycenęo domuit sub rege/ timendus
Victor/ & oechalicas euertit funditus arces.
Adsis o Helicon tuens Iouis alma propago
Numine Phębe potens uario: siue aurea princeps
Astra tenes: seu bella geris: seu candida circum
Pieridum te turba choro ludente coronat
Entea uocali modulantem carmina plectro:
Seu tua lato potius cunabula cyntho
Flammiferę seu templa colis patarea Chimereę
Non te ad uulgatum thymbręe uocamus Apollo
Carmen/ & ad dictas acies: quis nanq; Gigantum
Aut fera titanum belli conamina nescit?
Quoi non romulidum referuntur prelia: quoi non
Perfida Carthago: deuictaq; pergama flammis
Argolicis: & si qua prior uulgauerit ętas.
Sed furiis cōmota canam noua proelia: nanq;
Sic prius hoc bellum nulli cecinere priorum.
Est prope in obiectu rabideę spelunca Maleę
Spartano preętenta sinu: qua ditis anhelat
Spiritus ater olens: uasto & fremit orcus hiatus:



a

Hac chaos Alcides nigra formidine mersum
Inuasit: stygiq; ferox sacraria regni:
Et caligantes erebi deuenit ad umbras.
Quamuis inferni trita est uia: uos tamen orci
Numina: diuq; omnes animis qui limen utrunq;
Panditis: & flegeton quos gurgite lustrat adusto:
Et uos tartareq; secreta silentia noctis
Adsitis: sequor andini uestigia uatis.
Principio ad fauces tetri stabulantur auerni
Centauri: gens mixta feris: partusq; bifformes:
Scyllaq; circeis quoi latrant inguina monstis
Infoelix stat uirgo procul: centumq; mouentur
Aegeone manus: linguisq; sonantibus instat
Parrhasius serpens: ignisq; erructat ad auras
Fumantes horrenda globos terno ore Chimera
Quid uarias species: diuersaq; monstra feray
Exequar: harpyieq; & phorcidos umbra Medusae
Stant ppe: Gerionesq; triceps procul aufugit hoste:
Ceu caua quom tractis sonuit spelunca iuuentis.
Sternuntq; thoris gemitus: infaustaq; lugent
Funera: nec longe fugientia gaudia distant:
Et macie confecta graui flagrantibus alis
Agmina curay uolitant: gressuq; propinquat
Exangues inter morbos odiosa senectus.
Hic dolor: hic metus: hic immanē pandit hiatum
Improba auarities nullo saturabilis auro:
Et miseranda fames: humilicq; infirma grabato
Pauperies recubat foedo turpissima uisu.
Postibus aduersis stimulo bellona cruento

Aglea.

Eumenides in bella ciet: fremituq; laceffit
Horrissono: furibunda ruit discordia iuxta
Demissos lacerata sinus: uittisq; cruentis
Anguiferas depressa comas: & prelia poscit.
Hic subito Alcides nodoso robore circum
Fulmineos acer rotat imperterritus ictus:
Precipitesq; fuga tenuis diuerberat umbras:
Et qua pandit iter/ se fert acherontis ad amnes.
Tanq; propinquabat stygię qua portitor undę
Cerulea puppi manes transuectat humatos
Quoi fera terribili sordet pedore senectus:
Hirtaq; canities incultaq; feruidus ignis
Luminibus/ fauces lata fornace fathiscunt:
Auratum caput: & nigra ferrugine corpus
Atrius inuoluit duscincto sirmate: gentes
Quem circum innumere uolitant: ripasq; per omnes
Turba inhumata ruit: quantus ruit ęthere densis
Imber aquis: quantęq; cauo tolluntur harenę
Gurgite aristęis euro spirante Cyrenis.
Alcides tenuit uestigia pressa parumper:
Cognoscat tanto si quos in turbine manes:
Cernit ibi plures tristi quos miserat orco:
Agmina precipue centaurica nubigenarum:
Atq; pelectronios laphitas: Rhetumq; Pholumq;
Neleumq; datumq; sua in presepia regem:
Atq; cruentatam pharii Busiridis umbram:
Et te cernit Hyla puer: o Hyla ipse repente
Hiccine mestus ades dixit quis te mihi seuus
Abstulit: ha nimium seuus: uix ora/ comamq;

a ii

Aurata[m] & faciem / dulci candore nitentem:
Vix roseas agnosco genas: heu quis tibi uultus
Foedauit: meus ille fuit crudelior hostis:
Hei mihi rapte puer: nunq[ue] te has ire sub umbras
Crediderim: nec posse mori florentibus annis:
Immo equidem rebar niueis te ad sidera cygnis
Sublatum: spretoque patrem Ganymede potitum
Te puer: ambrosiq[ue] suę fecisse ministrum.
Quem non heroum demens quos uexerat argo
Fatidica argueram furti: rixasq[ue] mouebam
Impatiens: quoties fallax mihi dixerat orpheus
Flumina te propter nymphas rapuisse Napeas.
Ipse uelut furiis p[re]cep[er]at ag[er]atus adibam
Antra lacum: dryadumq[ue] domos: & lustra ferarū:
Causabarq[ue] deos furto: mihi per styga cuncti
Iurabant nil scire tui: scit Mysia quantum
Quęsierim te chare puer: quantosq[ue] sub altis
Montibus ediderim gemitus: scit tristis imago
Vociferans nostros planctus: lamentaq[ue] nostra
Quas ego non sortes: quę non oracula diuum
Tentaui: sed uana mihi responsa dederunt.
Quin etiam Phoebi tripodes inimica canebant
Numina nayadum te sub sua regna tulisse:
En quoq[ue] me falso frater delusit Apollo.
Tunc tristis letatus Hylas stetit Hercule uiso:
Atque ait: o magni domitor fortissime mundi
Alcide: neq[ue] te frater: neque tratius orpheus
Nec falsis responsa deum lufere figuris.
Nam tibi (quandoquidem fatis conuenimus altis)

Aglæa

Ipse meos casus labor/mortemq; nefandam.
 Hellespontiacos portus argo a carina
 Quom tot honusta deum genitis intrarat: Iasaon
 Quos secum auricomam cupientes carpere pellem
 Colchon & oethei ducebat phasydos undas.
 Tū(bene si memini) quom tota in puppe corona
 Heroum accubuit mensē: circumq; ministri
 Aurea uasa/dapes/& dulcia uina ferebant:
 Ipse ego iussus eram gelidis e fontibus urnam
 Implere ex hauſtu laticum: quam fune reuinctam
 In uada proieci: frigentes flumine lymphas
 Vt caperem: tunc ecce procul sub sole calenti
 Candida siccat madidos Arethusa capillos
 Gurgite pubetenus uirgo stans nuda supremo:
 Bis subito liquidas sese summergit in undas:
 Bisq; emergit aquis iterum: nymphasq; sorores
 Euocat: extemplo nudatas equore toto
 Nayas aspicio spumantes ire per undas.
 Obstupui: humoremq; mihi sub pectora traxit
 Sanguineum formido repens: gelidosq; per artus
 Pallor iit: nox orta oculis: labefactaq; terram
 Membra petunt: sopita cadit mens corde sub imo.
 Me tunc exanimo similem chorus omnis abegit
 In caua nayadum spumose Doridos antra.
 Ergo uera pii dicebant omina uates
 Alcides ait: at male amantia numina nymphę:
 Quę mihi delitias nimium rapuistis inique:
 Non bene in Alcide consultę damna fuisse.
 Verum age: quom duri casus/aduersaq; fata

Nocte sub hac odiosa tuos ostendere manes
 Decreuere mihi: dicas puer ordine tristes
 Euentus: quibus heu stygias detrusus ad undas
 Omnia tu nostrę fregisti gaudia mentis.
 Quoi puer: interea uacue clamore cauernę
 Monte sonant: gelidoq; madent aspergine uultus
 Pallentes: tum membra mihi frigentia torquent:
 Et stringunt per crura/manus/& brachia nodos
 Hęc fert straceo pingues de cortice guttas:
 Ast alia ampullis costum depromit olentem:
 Spargit odorato necnon cum baccare nardum:
 Et cum purpureo myrrham styrace madentem.
 Attoniti redeunt sensus:& pristina uirtus
 Membra subit: feror in thalamos tunc protinus altę
 Doridos: huic letę me dant pro munere nymphę
 Illa tuas ingressa fores: proruptione nuper
 Limina: in hispanam Calpen qua surgit Abylle:
 Quaq; tui monimenta manent ęterna laboris:
 O hymenę tibi magno pulcherrima Nereo
 Nupserat: ingentiq; thoro noua nupta sedebat:
 Et noua progenies circum: fluuiiq; lacusq;
 Nympharumq; chori: uasto genitricis in antro
 Carmina rauca canunt: ultro: citroq; uagantes.
 Protoq; Meliteq; Thaliaq; Dotoq; Ieraq;
 Amphitoiq; comis in candida colla solutis:
 Et Chlimene/ Liminoriaq; Acteiq; Spioq;
 Cymothoe/ Cymodoceq; & flaua Orithya:
 Turba pharetratę nec adhuc uitiata Dianę:
 Atq; Thoi/ atq; Amathis/ atq; aurea Gallianira:

Aglea.

Candida succinte collecto firmata nodo:
Inter quas Protheus cythara recinebat eburna
Foedera prima deū narrans/festosq3 hymenēos:
Præcipue Oceani thalamos/ipsoq3 canebat
Progeniem fluxisse deo quęcunq3 creata est.
Sed dicam breuius ne dillabatur inani
Temporis hoc spatium sermone:ut me ipsa recepit
Doris ait:meq3 in gremio complexa tenebat.
Egregium decus hoc nymphę:munusque parente
Dignum erit Oceano:ite:citos mihi ducite currus
Delphinas stimulate uagos:cristalla ferantur
Præduro concreta gelu:quo conditus altos
Possit inoffensus nobiscum cernere fluctus:
Et quod pontus habet iam prospectare sub undis.
Dixit:& haud segnes referunt ascyntheta nymphę
Alpinis extracta iugis:ac plaustra rotati
Sistunt Delphines magnę prope limina portę.
Interea genitor mensas instruxerat omnes
Oceanus:magnoq3 tubę clangore uocabant
Aequoreos ad nota deos conuiuia:pontus
Antraq3 clamoris resonabāt intima conchis.
Progreditur regina thoro:currumque iugalem
Scandit:& aurata palla uestita refedit.
Męraq3/prima nouos experta cupidinis ignes:
Et cythara Dianassa sonans miranda tricordi:
Apsedis/Ianiraq3/& hispida corpore Meni
Omnes inflabant roseis caua buxa labellis.
Tresque simul iuuenes Glaucis/nitidūq3 Pherusa
Conspicienda comis:matricę simillima Doris

112A
 Dulcia crispabant tenera modulamina uoce
 Meq; sub ingentis camerata fornice currus
 Defigunt: intus diuinaq; pocula ponunt/
 Ambrosiaq; dapes/uitreo sub carcere clausum.
 Qualis ubi in domibus magnis auis inda puellis
 Delitium/humanas meditatur promere uoces:
 Argento contexta domus quam paruula claudit:
 Fixaq; sub trabibus recta suspendit ab hasta.
 Iam uada sulcabat prouectus in equora currus:
 Altaq; arionius scindebat cerula delphin
 Tergore pinnifero: uolucris quom Nerea curru
 Immanes longo uexerunt corpore pristes.
 Agmina nam propior cupiebat iungere Nereus:
 Atq; rotis altas paribus perlabier undas:
 Miscriq; simul: ueluti triaterica bacche
 Orgia quom celebrant euantes tygribus Euan
 Taygetis si quando iugis descendit amantes
 Virginibus satyros cupiens miscere lacenis.
 Nereidum sic leta cohors/fluuiiq; sonantes
 Nerea delapsi uastum comitantur in equor.
 Immixti nymphis: Strymon/Sperchios/Ilerdal
 Dillectus lycus nymphis: & fuluus Oaxis
 Ft flauus tybris: cornuq; Achelous adempto:
 Et septemgeminus secreto Nilus ab ortu:
 Auratoq; Tagus uultu: Rhodanusq; bicornis:
 Omnigenosque ferens pisces/uarias uolucres
 Dalmaticus Naran: Phasis/Phrygiusque Caycus:
 Laurifer Eurotas: & nigro excussus ab orco
 Corniger Eridanus: Liparis: medusque Nyphates

Aglæa

Smyrneusque Meles: & multo marte notatus
 Ister: & illyrico ueniens a littore Narbon.
 Tanq3 uias utreque pares tenuere quadrigę
 Marmore demersę in medio: quę monstra natantũ
 Quos pelagi populos: & quę sub equore uidi
 Longa est hęc series: qđ si mihi guttura mille
 Mille modis uariis: & mille per ora sonarent:
 Vix equidem unius numerarem tempore mensis.
 Omnia nam magno quęcunq3 sub ęthere tellus
 Concipit: & pulchri profert in lumina solis:
 Omnia multiparens complectitur Amphitrite:
 Nascunturq3 alto uasti sub gurgite ponti.
 Sunt nemora: & celso confurgunt uertice montes:
 Sunt lati fnndi: sunt rubra corallia messes:
 Et uirides errant diuersa armenta per agros:
 Pastorumq3 greges per pascua lęta uagantur.
 Verum hęc quid referā: nam quāuis marmore toto
 Plurima sint passim uiuis magalia saxi
 Tecta q3 nympharum / & palatia magna deorum.
 Exitium crudele tamen memorare iuuabit:
 Atque animę miserę tam lamentabile fatum.
 Alcides imo suspiria corde trahebat:
 Torua piis lachrymis humectans ora / genasque:
 Vocis & antiquo uerborum ardebat amore
 Pectore percipiens notę uestigia flammę.
 Et quanq̃ sese quod sęuo acheronte manebat
 Forti animo uolebat opus: tamen ipse loquentem
 Instigat: coeptis peragat fata impia dictis.
 At multum miserandus Hylas male cognita ponti

Numina narrando luctus solatur acerbos
Supplici uelut imineriti sortisque nefandę
Foelix troianus phrygia uenator ab ida
Mox ait ad cęlum raptus: quoi dardana pubes
Inuidet: & superis qui dulcia pocula prębet.
Foelixq; ille puer phrygiis in montibus Atys:
Cymbala quoi tollunt moestas resonantia curas:
Atque leues gallę: & furibundę sacra Cybelles.
Ast ego qui dulci priuatus lumine uitę
Heu nimium infoelix stygias inhumatus harenas
Incolo: nec nostro solatia spesue dolori
Vlla datur: sed dira agit inclementia tetros
Dęmonas: inq; meos iactant incendia manes.
Scilicet hoc pulchras prodest uidisse Napęas:
Nereidumque choros: & Doridos antra marinę:
Hoc currum Nerei: infidi hoc miracula ponti.
Quin & cęlicolas omnes: omnesque tenentem
Oceanum terras magnis discumbere mensis
Regna per Aethiopum. Postq̃ genitoris adiuit
Atria grandęuus pulcra cum coniuge Nereus:
Stabant tercentum currus: & mille iugales
Laeta per arua ferę pastu implebantur opimo.
Quę magnum uexere Iouem: rerumq; parentem
Oceanum: mentemque Iouis cum coniuge sęua
Quę Tethym/ & Neptunum/ & te tritonia Pallas
Insignem clypeo/ & picto cum cuspide peplo:
Quę prolem Latona tuam stridente sub ipsis
Marmore quadriugis: & te Gradiue tulerunt
Traces equi: & Veneris niuei pascuntur olores:

Aglæa.

Quattuor atq; rotæ: domitrix quas atra deorum
Nox tulit adfugiens orcum Phanetis amores:
Et picti Bromii lynces: & plaustra leonum
Alma quibus uēhitur diuum Berecynthia mater:
Et te flaua Ceres nothę ad conuiuia bigę
Vexerunt: & te gelidi Saturne iugales:
Et celer annexis uenerat talaribus Arcas:
Cum patulo pennata gerit qui crura galero:
Atq; soporiferam lętali cuspide uirgam:
Qua regit elysium: qua tartara: quaq; sub imo
Fas flagetonte tenet placidoq; in flumine lethę
Ellicit hinc manes: hic suffocat impius Arcas.
Ventum erat ad sedes: ubi conuenit omne deorū
Concilium: & nitidis collucet regia mensis:
Tum pater undisonus sobolem complectitur almā
Plurima lętanti testatus gaudia uultu:
Me quoq; transspicui coniectum carcere uitri
Accepit dono. Postq; saturata libido est
Magna deum: mensęq; dapes: & uasa remota
Delibata procul: lęti discedere diui
Ceperunt: hilariq; uagi sermone fremebant.
Quale solet siluis insurgere murmur opacis:
Et foliis crepitare nemus: saltusq; sonantes:
Aut matutino quom purpurat equora flatu
Horrificans boreas gelidę sub uirginis ortu:
Quom freta tum leuibus uentis agitata tumescunt:
Quale sonāt fragiles curuato in littore fluctus.
Insiliunt igitur currus: atq; astra capeffunt:
Exortusq; petunt alii bipatentis olympi:

Qua tuus aurato pandebat limine Cancer
Mœnia/cœlicolumq; domos/& lucida templa:
Complexu quę cuncta suo clauduntq;/teguntq;
Ast alii latebras terrarum/& concaua saxis
Antra adeūt:magnoq; cauāt cum murmure mōtes.

Iacobi Boni Epidaurii Dalmatę de raptu Cerberi
Liber Secundus.

Thalia.

p Oſtera ab ęoo roſeis inuecta quadrigis
Te croceis Titone thoris Aurora reliquit.
Solq; recedentes radiis diſpeſcuit umbras:
Atraq; nigrantes erebo nox intulit alas.
Quom fator omnigeni fętus/diuumq; creator
Oceanus ſcythico balęnis ęquore iunctis
Inuehitur curru:& decliues fertur in undas.
Illa dies miſero fatoꝝ extrema meorum
Illuxit:męſtamq; mihi fudere querelam
Caſtorides:uox illa fuit pręnuntia lęti.
Nanq; ſupinatum curru dum uerrimus ęquor
Flumine delati rapido:procul ecce tumentes
Conſurgunt magno compulſi turbine fluctus:
Verſaq; harenolum ſecum maria omnia fundum
Corripiunt:& late irato in marmore miſcent.
Diuerſi fugiunt piſces:ingentia cęte:
Phocarumq; greges/magnaꝝ & monſtra rotarũ:
Arboribuſq; ferę ſimiles:ſimileſq; columnis

Thalia.

Dilluuiem tetrīs ructantes faucibus atram:
Monstraq3 quadrupedū secū mare uoluit ab imo
Orbe trahens: causa & tantę uenit ecce procellę
Balenę seuis infestabantur ab orcis:
Oceanoq3 fuga pulsę maria alta petebant:
Quo sese hostili defendere ab agmine possent:
Et uasto profugę turbabant equora motu
Ac si conuulsis radicibus urgeat altas
Orcadas: & magnos rapiat fuga in equora montes
Occurrunt orce contra: rostrisq3 trucidant:
Angustisq3 graues illidunt cautibus: ille
Comotę ingenti conturbant equora flatu.
Dicas eolis fluctus eferuere uentis:
Quom nothus aut Aquilo Neptunia concutit arua
Saxosę interea circum iactantur harenę:
Quas grauis interdum balena e faucibus efflat.
Tempestas sic atra deum denuntiet iras:
Si duros cęlo lapides effulminet alto.
Cryſtallum fragile adueniens tunc impete turbo
Disiicit in tenues crustas: mihi guttura densis
Irruit humor aquis: uitalem & strangulat ignem:
Pręcluduntq3 undę miserę spiracula uitę.
Tum pater Oceanus casum miseratus iniquum
In pisces corpus uertit: cęloq3 locauit:
Diuisam membris animā insaturabilis orcus
Deorat: hęc stygiis centum damnata per annos
Errabit ripis: horrendaq3 monstra pauebit.
Sed te per cęlum: quod te manet: & iubar almū
Obtestor Phębi: & Dircei Amphionis urbem:

Des ut opem misero: quom tu remeabis ab umbris
Tristibus ad superas iucundi luminis auras:
Manibus inferiasq3 meis: atque aggere inanem
Constituas tumulum: saltem ut hoc munere fungar
Aut tu si quid habes iuris seu roboris alti:
Si durum flegetonta domas/legesq3 deorum:
Omnia quandoquidem uincis: tu me erripe tanto
Supplicio: & tecum crudelibus extrahe penis:
Talia fatus Hylas: ac talia clauiger heros
Reddidit: o utinam tantum mihi robur adesset:
Ius quoq3: quo propriis exutas artubus umbras
Attrectasse queam: tristesq3 refringere penas:
Et diuinarum decreta adamantina legum:
Tu uotis fruerè tuis: foret alter olympo
Iupiter Alcides: Saturnia regna redirent
Sed si uictorem spoliis acherontis iniqui
Me superi aspicient: faxo tua sentiat umbra
Non tantum inferias tristes/ & nomen inane
Sarcophagi: uolucrum mihi Iuppiter Arcada cèlo
Demittet: uincat linguę qui fulmine ditem:
Transferat & qui te ad requiem/ sedesq3 beatas.
His dictis gauisus Hylas: magnamq3 recepit
Spem puer: hęc si qua ē miseris sub tristib9 umbris
Proripit Alcides stygię se ad stagna paludis.
Quem simul atq3 Charon uiridi prospexit ab alueo
Ad uada currentem/ cēno soq3 algida fluxu
Littora: uectoremq3 ratis clamore uocantem.
Expauit torua facie/ magnoq3 tremendum
Pectore: uixq3 ausus fatalem poscere uirgam:

Thalia

Cunctarūq; uirum: & properandi querere causas
Officii memor ipse sui: tu clauiger inquit
Siste pedes: quo te ad nostras rapit impetus undas:
Quis deus humanis indutus carnibus: istud
Quidue petit ferrum: quid stipite robur obusto:
Quo ruis: hic supero defunctę lumine gentes
Conueniunt: manesque uehit mea cymba sepultos
Corporeis nunq; membris assueta grauari.
Sed si Persephones rutilantis uirga metalli
Est tibi: tum nostra poteris trannare carina:
Sospes: & ad dominam ditis sua munera ferre.
Orphea nam memini: quem candida Calliopea
Edidit oeagro conceptum flumine: cymba
Accepisse mea: stupidos quom carmine manes
Mulcebat: cytharę lacus resonante furentis
Firmabat cursum: siluasque animasque trahebat
Ad cantum: inferni strepitus: latrantiaq; ora
Conticuere canis: dum garrula murmurat ipsis
Cyllenis fidibus: uoces imitata canentis.
Ille reposcebat miserando funere raptam
Euridicen: chaos antiquum: primęuacę mundi
Semina: quę flegeton dias produxit in oras:
Germanosq; ioues: diuisaq; regna canebat.
Talia dum cantu celebrat Rhodopeius orpheus:
Dulcia lenibant miseros solatia manes:
Tractus & Aeolides dura cum caute: rotęq;
Constitit Ixion: per tufas fontibus urnas
Bellides implerunt: acheronq; obmutuit undis.
Victus & infernus blanda dulcedine Pluto

b



Restituit manes abreptę coniugis Orpheo:
Orpheus & superas remeauit uictor ad auras.
Quem contra breuiter fatur Thyrintius heros.
Tratius ad sedes erebi descendere uates
Si potuit: uictorq; lacus exire profundos
Garrulitate lyre fretus: cantuq; loquaci:
Et mea qui quondam cecinit preconiā: cur non
Fas mihi sit patrui sedes inuifere ditis?
Iuppiter ipse mihi genitor: me Iuno nouerca
Iussit adire domos erebi: stygiamq; paludem
Transfulcare rati magnam Plutonis ad arcem.
Hoc insigne mihi gestandum robur: & ipsa
Ferreā compago: sic Marti ferreus ensis:
Tela trifurca Ioui: Neptuno fuscina: Phoebo
Corytus calamiq; leues: & thyrsus Iaco:
Mercurio sic uirga datur: nonne ipse tridentem
Pluto tenet: gestatq; suam Diana pharetram?
Quisque deus sua signa gerit: Proserpina quondam
Quod statuit ferri ipsa sibi sub tartara munus
Ecce uides: ramum fului cognosce metalli.
Dixit: & unguifero ramū detexit amictu.
His placata senis mitescuut pectora dictis:
Sedatusque timor naute: letusque corusce
Suspicit admirans donū uenerabile uirge.
Tunc se precingit: remos: & uela rudentesque
Expedit: & tenui misso sub gurgite conto
Detrudit puppim: proramq; aduertit harenę.
Impiger ingreditur uasta cum mole carinam
Amphitryoniades: tum lubrica pondere cymba

Thalia

Subsedit tremefacta iugis: undamq; recepit
In latus: & titubans trannauit flumina tandem.
Alcides postq; ripa ulteriore potitus/
Qua minus adgentur limi: fluuiiq; refusis
Languet margo uadis: & glauca sordet in ulua.
Protinus hic ingens apparuit aula tyranni
Tartarei: hanc longo suspendit porticus arcu:
Sublimesque alto tollunt adamante columne:
Et circum obductos atra fuligine turres:
Diis ueneranda palus liuenti personat unda:
Hic prope uestibulum: & diri palatia ditis.
Stat solium sublime dei: iuxta triformis
Cerberus: humano depastus sanguine: sternit
Membra subexesa scabri testudine saxi:
Quo stygias prostratus aquas custodit: & alta
Atria latratu triplici: gentesque sepultas
Deorat: & tenues horrendus territat umbras.
Isque ubi mota pedum propius uestigia sensit
Accessisse dei: lapsas mox suscitatur aures:
Captauitq; sonum: & paulatim gutture clauso
Infremuit: uibrat caudam draco uerbere torto:
Vipereis stant colla iubis: procurrat: & altos
Edit in aduersum latratus eminus hostem:
Et modo terga timor uertit: modo subtrahit ira.
Indomitus stetit Alcides formidinis expers:
Nudatumq; clepit nemeo tegmine corpus:
Et graue suscepit uibrato pondere robur:
Exploratq; manu uersans: aptatq; cathenas
Ingentes: infracta cani mox uincula capto.

Tum se proripuit furibundi fulminis instar:
Ille fuga uersus petit alta sedilia ditis.
Vt quom Chaonius quondam latrator euntis
Mota uiatoris sensit uestigia:raptim
Dura catenati frangens retinacula ferri
Currit in aduersum latrans:sed fuste uiator
Expertus rabiem timide domitare lyciscę:
Profugat impavidus:tectumq; suburget herile:
Sic premitur fugiens:uicinaq; Cerberus horret
Vincla catenarum:& minitantis uerbera claue:
Iam penes Alcides aderat:iam terga premebat
Ictibus intorquens magna ui robur inorme:
Quom Iouis ante thronum stygii collabitur:atq;
Colla dedit domitus duris uexanda catenis:
Haud segnis ferrum ceruicibus alligat atris
Amphitryoniades spiris immanibus:omnemq;
Implicat: assacheus ueluti draco sanguine maurum
Quom sitiens elephanta petit:seu flumine uiuo
Insidiatus atrox:seu densa conditus umbra:
Nexibus inuoluit:longoq; ligamine nodat.
At procul aerea custos ex arce Megęra
Spectaclum horrendum exoritur:quoi cōdere bellū
Et stygias seruare domos dedit arbiter orci.
Illam monstrifero genuit nox humida partu
Pressa acheronte truci:que proelia uoce cieret:
Et strictos in bella ferox committeret enses.
Tunc irata cauam furiali murmure concham
Inflauit:stygii quo protinus ardua mundi
Machina contremuit:uastum intonuitq; profundū

Thalia

Sensit & elysium longe nemus: audiit omnis
Fortunata cohors foelicibus abdita siluis:
Audiit armifraga quę cuspide ab egide sęua
Fulgurat: & subito stimulat bellona tumultu
Dęmonas: hi spurcos bifido mucrone bidentes
Vulcano candente ferunt: qua buccina Martem
Increpuit: ceu bella noua pro coniuge rursus
Pluto gerat: uetitisque petat pro cursibus ętnam.
At non Alcides ullis perterrita monstribus
Pectora turbabat: ueluti cantabria Cautes
Nil timet ęolias hyemes: ęstumq; minacis
Oceani scopulis sed firma sonantibus heret:
Fluctibus in mediis: magnes & concava circum
Antra fremunt: undisque sonat latrantibus ęquor.
Quem procul ut mundo spolia ex utroque ferentem
Prospiciunt: illicq; induta comantibus armis
Alta cleonei fulserunt terga leonis:
Conspectu patuit deus: & prestantibus alto
Corde animis: patuere palam fatalia dona/
Et robur uiresq; dei: quibus omnia mundi/
Prodigia/ & portenta domet: quę pontus & ęther
Et quę terra creat: cunctisque patentia regna
Persephones: quare infestum si cominus agmen
Confererent: magni timuerunt Herculis iras:
Tum dea terrorum quę fraude exuberat omni
Mortem sęua uocat: quę postq; nocte cruenta
Prodiit: indignum uita: nec amabile uulgus
In senio marcere sinit: floresque uiuentę
Immatura legit: populo lachrymanda domoq;

Funera: præcipuosq; immani absumit hiatus:
Et dolor inclēmens egro uestigia gressu
Admouet: his toto non est deformior ulla
Pestis in inferno: nec monstrum dirius ullum.
Quos: his exacuit dictis ac uoce superba:
O mihi bellorum comites erebi effera proles
Humano quoties respersi sanguine campos
Vincimur insoliti uinci: proh dedecus: hostis
En nostras trahit exuias: qui bella Typhæum
Vana laceffentem tumulo depressimus alto
Inarimes: quicq; Enceladum subiecimus ætne:
Atque tot anguipedes phlegreæ ualle gigantas
Fulmine & excussa lapsos obtriuimus ossa:
At nunc heu quanta est iniuria: pristina nobis
Vis cecidit: qua cuncta cadunt: nomenq; uerendum
Perdidimus: sursum liceat si impune reuerti
Dedecus hoc: nostraq; ingens cum labe trophæum
Si referet superæ Iunoni inuisa propago.
Scilicet ignaui stygia torpebimus aula
Et uictor parto remeabit prædo triumpho:
At non hinc audax nostræ Iunonis adulter
Vt labyrintheos potuit euadere flexus:
Aequorei quanq̃ fuerit Iouis inclyta proles.
Nunc igitur ne fama prior/neu clarus auerni
Conculcetur honos/nostricq; potentia sceptri:
Sumite lætales calamos funestaq; tela:
Quæ nece cuncta premunt: cælum quæ terra fretūq;
Fert quæq; æthereum subternascuntur olympum
Laus acri rapienda uiro est/ & adorea pugne

Thalia

Hoc pacto incensi dictis furialibus: alas
Concutiunt: gaudentq; dolis: mors falce cruenta
Terribilis præcepta facit: pharetramq; silentem
Induit: atque implet calamis: hanc pone sequuntur
Luctus & algificus pallor: dolor improbus ipsam
Præuolat innumeros portans in proelia morbos.
Sed neque cocyti palus importuna: nec orci
Tanitor: & moesto mors inuitabilis arcu:
Non alius labor: aut aduersis prodiga damnis
Fata uirum superare ualent: domat omnia fortis
Amphitryoniades equo sub corde ferendo
Quæ tristis fortuna sibi seu fata dedissent.
Iamq; nouem uenit quo cingitur orbibus orcus:
Clamosumq; forum nigram stat ditis ad aulam:
Cnosius & residens celsa quæsit in arce:
Iura docet fontes: seuam & quatit horridus urnam:
Hic sibi Pirithoi sese obuia protulit umbra:
Tunc subito sic orsa loqui: Iouis alta propago
Alcide: qui cuncta domas: quæ mundus uterque
Monstra creat: fatiq; dolos: fraudesque nouerq;
Quis deus hæc superi prædicere posset olympi
Euentura mihi: quæ spes portenderet unquam:
Quæ tua dextra tulit: quæ nox imperuia fatis:
Tu misero defensor ades tutellaq; Thæseo
Inclyte semideum princeps: solatia nobis
Insperata geris: uinclis uictricibus hostem
Fortius urge meum: qui me fornace trifauci
Corripuit: trepidos frangens sub dentibus artus:
Vrge precor nostri capitis fortissime uindex

Nec monstri miserere feri: nihil iste dolebat:
Thēsea quom stygię uinctum duxere cateruę:
Atque tot humanos crudelis manderet artus:
Me quoq; Cnōsiaci qui quęsitoris acerbum
Iudicium expecto tristis: sortēque tremisco
Sed tu si qua manet priscę pietatis imago:
Erripe tartareis miserandum Thēsea uinclis:
Hoc facilis labor: est prę duro adamante reuinctus:
Pręq; uiam: quę te superas educet ad auras:
Hęc te facta decent: isto tua gloria gressu
Scandit ad ęthereum tecum sublimis olympum
Hęc ait: ille malis miseros defendere suetus
Ingemuit: subiere thori: quibus ipse bimbres
Nimbigenas domuit: uirtus subit ęmula Thēsei:
Thermōdoontiaca quo cum pro coniuge bellum
Gessit: & inuictis spoliāuit Amazonas armis.
Talia tum breuiter sedato pectore fatur.
Huius amice tibi solaminis auctor adesse
Iam pridem cupio: nec me Crassator auernus
Terruit umbrarum: non mille pericula lęti:
Ostendas igitur squallent quo languida Thēsei
Mēbra situ: qua mole ruunt: qua compede marcēt:
Sed prius hoc strictim doceas: quot moenibus istis
Cingitur orcus inops: quid claudit machina tanta:
Quoi phlegię genus inuiso de sanguine Martis.
Tristia Persephones clauduntur regna noueno
Circuitu: quorum ridenti lucidus aura
Ultimus aspectat ludentes mollibus aruis
Foelices animas: & fortunata piorum

Thalia

Concilia: octauus ueterum iam labe malorum
Lustratas: largo quę potu obliuia captant.
Septimus impressas uario purgamine culpas
Leuibus exedit uentis: uel fonte: uel igni
Sex reliqui uariis resonant cruciatibus: intus
Instipant animas flammis: poenisque coercent
Perpetuis peccata luant: has dira nocentes
Peruigil Alecto semper custodit: at illas
Belli feruor adhuc mutilat: stat fertilis orbis
Idalio saltu: hic miseros amor urit amantes:
Hic homicidarum statio: & qui sponte nefandas
Iniecere manus sibimet: uitasque dederunt
Aeterno exitio: tantum mors ipsa rependit
Libera corporeo quibus est de carcere pulsa
Lux uite: quoique ut peragat sua fata necesse est.
Hic solida glacie: atque altis concreta pruinis
Gens: quę ignara fuit rerum: sine fulgure mentis
Figitur: atque undis immota: tenacibus heret:
Quosque nouercales Lucina excepit in ulnas:
Aspexitque truci uultu: defluxa maligno
In terras inimica polo: crudelia lugent
Funera: crudeles parcas: matrumque hymen eos.
Rex lapitum armisoni proles a sanguine Martis:
Anne etiam infantes misere dispendia uite
Suscipiunt: quid nam angusto meruere sub quo?
Tantane tartareum tenet inclementia regem?
An alium: tantos animas quid mergit in ignes?
Quis deus infesto condemnat numine manes?
Heu male nota rogas huc descendentibus umbris

Verum equidem dicam: dictis te & uera docebo.

Iacobi Boni Epidaurii Dalmatę de raptu Cerberi
Liber Tertius.

Euphrosyna.

p Rincipio architenens excelsi rector olympi
Libera causa|deus|mens mundi|certa uoluntas
In quo principium rerum|finisque recumbit:
Miscuit ex alta rerum mysteria mente
In magno cratere chaos|celumq;|deosque
Conflauit:pater archetypas & mente figuras
Protulit in nato:& per natum:& foedere sancto
Magni hominis fecit caput|& fundamen|& ignem
Post hominem cunctis opus excellentius instar
Mundi totius tenues conclusit in artus:
Et domino rerum donauit libera iura.
Hinc manes sibi quisque duos fortimur: ad astra
Alter monstrat iter: caligantem alter ad orcum:
Nos etiam fatis summe deus arbiter aule
Subiecit: fatis ad res impellimur omnes:
Non tamen ingenium|nostricq; arbitria seclis
Fata trahunt: genios sequimur sed sponte uolentes.
Hinc animi morbi|ceceq; insania mentis
Ignaros homines a summo auertit olympo:
Aut male suadus amor deiectas attrahit ad res.
Quom uero a membris nos morte resolvimur atra:
Quam grauiā inuitos quāq; impia facta sequuntur:

Euphrosyna

Crimina inherescunt: prauus quę fecerat usus.
Ergo ubi nos uitę clementia diua reliquit:
Impius ex atro fontes acheronte satelles
Ducit ad horrendas sedes / soliumq; seueri
Iudicis: hic poenas & crimina lancibus equant.
Quo non ulla ualent populi tabularia: testes
Nec pro fonte citant nude stant iudice cause
Iam fontum *reuelata* palam secreta uidente.
Omnibus hic deus est ignotus gentibus: ille
Scilicet omnipotens eterni maxima patris
Progenies / humana salus: qui corpore mortem
Sponte reus capiet: uitam pro morte daturus
Gentibus: & primi uictor sub carne parentis
Aeternas iusto delebit sanguine poenas:
Hic fontes damnat: qui magnō errore grauati
Tramitibus uariis stygios merguntur in ignes.
Tunc alias subeunt leges / atque altera iura:
Nanq; sub ingenti qua se tellure profundat
Hoc baratrum: tenditq; cauū per inane sub umbras
Plutonis domus / & summi Iouis alta potestas:
Dictę fratres seuas acherontis habenas
Imperiumq; tenent umbrarum / atque impia ditis.
Iussa regunt: & iura feris obnoxia poenis.
Aeacus Europeę gentes / Rhadamantus eoas
Iudicat atque Asiam magnam / peccataq; Minos
Cuncta recognoscit: fraternaq; iura recenset.
Audi plorantes moestis uagitibus umbras
Infantum: miseri genitili labe parentum
Polluti / cęco tenebris plectuntur in antro.

Sed uerbis trahimus tempus: nox frigida curru
Cornipedes adiunxit equos: pete Thēsea mecum:
Et celeres capiamus iter: breuis est uia nobis.
Interea dum iam properant/ grauis ecce tumultus
Auditur: fragor insonuit: totūque repente
Incepit mugire chaos: pulsuque rotarum
Quadrupedante quati magni fundamina mundi.
Quales humenti uentosa tonitrua celo
Quom glomerāt euri pluuia impendente sub ęthra
Obscura/ foeti rixantur in ęthere nimbi.
Mox subitum nigra caligine uoluier agmen
Aspexere procul: spissamq; insurgere nubem.
En quę castra uomit flegeton: q; tartarus agmen
Ructat in Alciden: en quas globus exerit alas
O phlegida Alcides inquit: quid tanta gerat uis?
Exin gorgoneis serpentibus hirta Megera
Et stygię dant signa canes: quis nube sub ipsa
Ductor erat: quo tanta lues inuaserit orcum?
Diua mihi piplea refer. Dux agmine Pluto
Primus quadrupedum curru est inuectus equorū:
Quoi caput armatur galea: flammisq; relucet
Tempora tartareis: ardentq; in uertice criste.
Proximus hunc iuxta sathanas: quo nulla baratro
Peior pestis inest: nec seuior ira deorum:
Mille deos acherontis agit: hinc arduus instat
Leuiathan/ crines flauos/ arrectaq; pulchrę
Virginis ora gerens: & foedi crura draconis:
Cętera serpenti similis: prope Mammona curru
Victor in aurato fertur: quoi cęca potensque

Euphrosyna

It fortuna comes: fert tela tricuspidata Demon:
Et camuris triplices incingit cornibus hydros.
Bellial effrenusque ruunt: & bellua Beemoth.
Hos prima (ut perhibent) nascentis origine mundi
Indyta ne sine laude foret presentia regis
Aetherei diuos summo formauit olympos.
Nondum Luna nothos agitabat candida currus:
Nec stellis fulgere poli: nec Apolline pulchro:
Puniceo Sathanas surgebat lucifer ortu:
In quo ceu speculo sol aureus/aut orichalco/
Aut uitreis quom fulget aquis splendebat imago/
Et summi mens alta dei: quo maior olympos
Non fuit in toto: formaq; decentior alter.
Conditus etherea tunc Iuppiter arce latebat:
Et gemine summo pendebant orbe cathene:
Altera de duro ferri compacta metallo/
Leua parte poli ad nigrum tendebat abyssum:
Altera de fuluo longe formosior auro/
A dextra regione dei exaltabat in arcem.
Lucifer interea quod se deus altior esset:
Concipit inuidiam: fastuq; inflatus inani
Dixit: conscendam ethereos sublimis ad axes
Ipse egomet: sedesq; meas aquilone sub alto
Sustollam super astra: deoq; equabor olympi.
Quem pater omnipotens celo indignatus ab alto
Fulmine deiecit: compago leua reuulsa
Mille deos secum rapuit: ceu lucida Phoebe
De celo si lapsa ruat: quam mille secute
Nocturne per inane faces/ conuulsaq; mundo

Sidera labantur: sic lucifer æthere summo
Aera per tenuem præceps acheronta sub imum
Decidit: in numerumque cohors ingrata deorum:
Quos rabies æterna tenet: quos orcus & aer
Sustinet: omne nefas his persuadentibus ortum est.
Postquam autem stygii tempestas atra tyranni
Astitit alciden propius: riget horrida tortis
Cæsaries erecta comis: atque acribus ardor
Fulgurat ex oculis: sudor fluit: estuat ingens
Pectus: anhelantesque premit sub faucibus ignes.
Qualis Apollineo perrhebi uertice pindi
Quom leo descendit poturus flumina Nesti
Seu fontes Acheloe tuos: si conspicit arma
Bellaces inferre getas: fremit arduus: armi
Horrescuntque & colla toris: ardescit in imo
Pectore uis: nec tela pauet: sed lumina torua
Figit humi: quo seua ruat uenabula contra.
Tum qui regna tenet pedibus subiecta tonantis
Dispater: ignitis produnt quæ faucibus alta
Tænara: & æneis torrens Vulcanus ab antris:
Quadrupedes frenare iubet: cunctasque phalanges
Iussit in immotis pariter consistere castris:
Turba deo paret: durisque auriga lupatis
Nigrantes attraxit equos: quibus actus ab armis
Spiritus ardentes concussis naribus ignes
Spargit: & hinnitu spumas agit ore cruentas:
Illi autem trigas sistunt: & calcibus auras
Sublatis feriunt: uentosque laceffere gaudent.
Mox deus umbrarum curru se submouet alto:

Euphrosyna

Et uertit ferale caput: lateq; uidentes
In tenebris acies plenas formidinis atrę:
Et uidet Alcmenę & Iouis omnipotentis alumnū
Faucibus e mediis/mediisq; ex ignibus orci
Tergeminum rapuisse canem: contraq; cateruas
Tartareas audere: & contra demonas omnis.
Tunc ambage noua stygii timor/iraq; mentem
Inuasere ducis: prędam seu pace reposci:
Seu durum Mauortis opus certamen iniri:
Expediat/lesa pro maiestate baratri.
Hinc obstabat atrox/atque insuperabile robur
Alcidę magni: diti quoq; cognita summi
Progenies inuicta Iouis: quem pater in alto *suppr*
Aethere cęlitibus prędixerat unius aluo
Victorem prodire nurus/terre q; poli q;
Inferne q; domus: quo tempore matris ab aluo
Exiturus erat dii sub lumen olympi.
Pręterea pilum nec adhuc aboleuerat ulcus:
Nestore q; memor fuerat Saturnius aulę:
Qui quom pro cęsis in eodem sanguine natis:
Euerlam q; domum: & disiectam funditus urbem:
Nelidę auxilium ferret: uix sautius iram
Herculis aufugit moestas acherontis in edes.
Hęc obiectabat timor: at calcaria demens
Ira deo uesana dabat: maior q; sub imo.
Corde furor flammis urgebat pectus anhelis.
Ipse tamen tacitus memorabat talia secum:
Tu genitor Saturne mihi: tu regia Iuno
Es soror: est frater mundum qui fulmine terret:

Es mater tu Rhea mihi: non foemina pellex:
Non equidem Antheus: non armentalis abactor:
Non hymenæi turpis bellator Lachi
Nec tegeus aper: nec quos puer enecat angues:
Aut alię quas mille feras/hominesque/nurusque
Contudit: hæc propter dici insuperabilis heros
Scilicet in terris meruit: non protinus orco
Mortali sit tantus honos: uictoria nostra
Est dea nata domo: iactet se magnus adulter
In cęlo/superisque thronis/cętuq; deorum:
Incrementa ferat nocti: solemq; retardet:
Vt rerum domitor męcha nascatur ab una.
Est fraus in fatis: quam nec seruauit ad unguem
Iuppiter: interdum licuit quoi fallere diuos:
Nam regina Sami partu sub uentre retento
Talibus eductum fatis Eurysthea tinxit.
Nil moueor quernę tenui pro uulnere clauę:
Nanq; haud illa deum/pigros sed perculit artus.
Te quoq; bistonio qui quadrupedante superbis
Armipotens gradiue pater/Diomedis acuta
Cuspide pergameis perfodit lancea campis:
Et tu quod dulcem properas defendere natum
Cypria diua geris candenti in corpore uulnus.
Hęc ubi desierat: furiis/atque acribus iris
Ardescunt animi ditis: procul exulat omnis
Mente timor pulsus/dubio comitatus inerti:
Arma rapit: curruq; pedes descendit ab alto:
Quantus o lympus/athos quantus/uel nubifer atlas
Quantus alit siluas:& longa prominet umbra:

Euphrosyna

Quantaq; caucasei dorſi iuga: quanta pachinni:
Aut quantis idea iugis ſe gargara tollunt.
Tanta tridentiferi facies erat Aydonei.
Tunc ſceptro cunctis/nutuq; ſilentia ſuadet.
Obtacet atra phalanx ſubito: ſilet omnis ad unum
Implacata domus: non amplius inſonat ultrix
Verbera Theſiphone: tacite ſtant ignibus umbrę:
Styx tacet atra palus: muteſcunt triſte ſonantis
Pallentes acherontis aque: ſilet igneus amnis:
Et ripis cocyte tuis graue labile flumen.
Deinde deos erebi precibus compellat amicis.
Summe pater rerum: uacua qui Gorgonis aluo
Stas: quem ſcire palam/uel cuius nomen in aures
Ferre nefas: res prima chaos: que rite ſilendo
Dum ſis iuncta deo: ſecunda fundis ab aluo
Omnia: tuq; pater calami lycę canori
Cultor ſiluarum: & martis lymphator anhel:
Magna paręs: erebũ medio que claudis in antro:
Et phlegeton: & nox quã diſcolor ambit amictus:
Vobis o magni deuota eſt uictima diui:
Vobis ſuccumbat: ueſtris mactetur in aris:
Solus ego aggrediar: porro uos eminus eſte:
Eſte procul ſocii: nec quiſq; bella capeſſat.
Hęc ait. Alcides iamdudum inuadere pugnam
Geſtit: Cerbereos & nexibus implicat artus:
Et deponit humi/uinctum ceu ruſticus hedum.
Tunc & ipſe deos tali ſic uoce precatur.
O pater omnipotens: & rex/hominumq; deumq;
In quo principium rerum/finis que recumbit.

c

Tu quoq; quam uertex armatam protulit altus
Bellipotens Tritonis hera/intemerata uirago.
Solq; dator lucis:celi cor mensque profundis
Vos quoq; uocales magni Syrenes olympi:
Vatibus etherios musq; que infunditis haustus:
Vobis o magni talis cadat hostia diui:
Vobis mactetur:uestris procumbat in aris.
Iam uero & manes certatim/& Dæmonas omnis
Conspexisse iuuat/diuersi numina mundi/
Ingentisque deos acris coisse duello.
Postq; autem rapido procursu cominus armis
Inuadunt Martem:crebris sonat ictibus omnis
Tartarus:& ripis longe palus alta remugit.
Alcides multa pollens ui:& Palladis arte
Exponit leuumpq; pedem/pectusque sinistrum
Ditis ad insultum:teliq; tricuspidis ictum:
Dis impune putans ad apertos emicat artus
Marte furens:totoq; intorquet turbine telum:
Ceus ferit:exclamât acies:chaos intonat omne:
Et sonitu tetri domus alta resultat auerni:
At uegetus retro cedit pes:clauaq; teli
Excipiens ictum frustratum/cum pede dextro
Vertitur acta manu dextra ceus fulmen:& orcum
Assequitur:cedit retro bellator uterque.
Tollitur interea fuscis exercitus alis:
Excipiuntq; graui nutantem uulnere ditem:
Aegrescuntq; acti furiis:mussantq; dolore
Accensi:ueniamq; petunt a rege cruento
cum his Dæmonas ut omnis Mars experiatur ad unum.

Euphrosyna

Respondit Pluto: magni uis Herculis ingens
Si uinci posset: dextra hac deuicta fuisset.
Immo hoc præcipio uobis: date Thesea magnum
Insper Alcide: tantoq; absistite monstro:
Mature ut talis discedat pestis ab orco.
Ac uelut assyrios saltus/aut syrtica linquens
Arua draco/siluasue procul cristatus eoas:
Si super undantem flammis ardentibus ætnam
Dum secat aerios tractus pernicibus alis
Sidat: & in uastum Polyphæmi Cyclopi antrum:
Septaq; conturbet: ualidum tum corpore taurum
Fauce apprehendat atrox: & nexibus angat adhesis
Obuius at Cyclops trunco Polyphæmus obuisto
Prodeat: horrendi rabies animosa draconis
Taurum linquat humi: magnūq; assurgat in hostē:
Hic/ut tanta lues antro discedat opaco:
Obiicit atque alium taurum: sic Thesea forti
Amphytrioniade pro munere tradidit orcus.
Tum specus horrendū/ & fauces flegetuntis anhel
Victor adit spoliis/ & munere lætus auerni.
Qua patet introitu facilis uia prona baratri:
Sed non egressu facilis: tunc Cerberus auras
Ignotas/ lumenq; suo inspectabile uisu
Vidit: nec potuit tenebrarum & noctis alumnus
Lumine lucifugo splendorem ferre diurnum:
Triplex ergo caput stygias auersus ad umbras
Concutit: & toto conuassat uincula nixu.
Sed domitus quid uana canis certamina sumis?
Atque reluctando uictus bella irrita tentas?

Quom uero Alcides iucundas luminis oras
Attigit: & dulcem tellurem / letaq; uidit
Ridentis conuexa poli: sic protinus infit.
Alme pater mundi dolio qui promiss ab alto
Cuncta ratis parçe quę uoluunt stamina fufis:
En tua progenies sacraria ditis auari
Subiecit: uictrixq; ferum fpoliauit auernum:
Vt pateat mundo quanti tibi filius effet
Alcides: in quo uirtus tua fâncta refulfit.
Ergo uictor ago grates tibi Iuppiter auctor
Victoris: contra uires Iunonis iniquas.
Dixerat: & medios fol feruentiffimus axes
Igniferis calcabat equis: & lampade recta
Aethiopas duplices: axemq; uidebat utrunq;
Tum deus Alcides ob durum iter / atque laborem
Feffus anhelabat: requiemq; & molle leuamen
Vt caperet curis / gelidas petit arboris umbras:
Arboris antiquę: quę ftans delubra fecundum
Ingentes ramos / & brachia denfa per auras
Sparferat / argenti crepitans umbrofa fufurro.
Hic placida uirides diuellit ab arbore ramos:
Impexasq; comas foliis bicoloribus ambit.
Exin populeis protecti frondibus ambo
Heroes recubant: pictam mirantur & edem:
Qua methymneus donaria liquit Arion.
Hic ephyrea ratis calabro refoluta Tarento
Vela notis effufa dabat: pelagusq; tenebat:
Collecti in foribus nautę de cęde nefanda
Tractabant: fupplex fundebat Lesbicus aurum:

Euphrosyna

Hinc media puppi thyrio stans lucidus ostro
Orthrya dicebat diuino carmina cantu:
Distinctamq; auro cytharam/niueoq; elephanto
Pectine pulsabat:stupidi quo carmine nautę
Hi flectebantur pronis ceruicibus:illi
Stertebant alte:comitatus carmina somnus
Dulcia:sopitos cunctis irrepserat artus.
Hoc & Neritium cantu sopisset Vlixem:
Traxissetq; altis proceras montibus ornos:
Auritas faceret cautes:tenuisset & amnes:
Cunq; truci molles misceret tygride dammas:
Ipseq; cum docto certaret Apolline tutus.
Hinc illum uectans argenteus equore delphin
Innabat:summo proscindens cęrula dorso.
Parte alia ueniens ephyreas letus ad arces
Mira corinthiaco narrabat facta tyranno.
Mox aduecta ratis bimari iam perfida portu
Stabat:& incolumem mirantur Ariona nautę
Astantes domino coram:& formidine pallent.
Hęc dum per templum uulgo depicta tuentur:
Ecce coronati Phoebeis frondibus adsunt
Indigenę:qui facta canunt:& carmine laudes
Herculeas super astra ferunt:ut fata nouerę
Prodigia/atque odium domuit:geminuq; leonem:
Aeripedem ceruam:taurum:symphalidas:hortos
Hesperidum:tu terrigenas inuicte Gigantes
Deicis:euertis troiam:tu Albionas imbre
Ad rhodani ripas sternis:Nessumq; latronemq;
Acer auentinum:tu templa lacinia condis:

Te quoq; labentem mundum / superosque tenentem
Atlas obstupuit: te tela crisulca ferentem
Contremuit percussa soror Iouis: elicis umbram
Coniugis Admeti furuis e sedibus orci:
Aequoreoq; rapis tu Laomedontida monstro.
Hec & mille dei laudes / & gesta canebant.
Sed lyra iam reticet lassæ Cyllenia Phoebi:
Soluite pierides choreas: & claudite fontes
Bellorophonteos: uestris sat lusimus antris.

Philippi Beroaldi Hexasticon.

Viribus Alcides superas educit ad auras
Inferna stygium de regione canem.
Versibus Herculeæ par est Iacobus erumnes *mem*
Ille canenda gerit fortiter / iste canit.
Aetherios illi cultus / benefacta dedere:
Isti grande decus hæc benedicta dabunt.



